

Mangsa ribut dan banjir di Labuan terima bantuan



KORESPONDEN
KHAIRUL IDIN

SEPULUH keluarga yang ditimpa musibah di Labuan baru-baru ini menerima sumbangan bantuan wang ehsan melalui Tabung Bantuan Bencana Perbadanan Labuan (PL).

Ia susulan berlakunya bencana ribut dan banjir yang menyebabkan berlakunya kerosakan atap terbang dan rumah ditenggelami air.

Ketua Pegawai Eksekutif PL, **Dr Fary Akmal Osman** berkata, bantuan ini merupakan satu inisiatif PL dalam membantu penduduk Labuan yang mengalami musibah.

“Menerusi bantuan ini, kita harap dapat membantu mangsa-mangsa yang mengalami bencana untuk membaik pulih rumah kediaman mereka yang mengalami kerosakan.”

Beliau berkata sedemikian ketika menyampaikan sumbangan bantuan wang ehsan kepada mangsa-mangsa bencana, di Labuan baru-baru ini.

Dalam pada itu, beliau turut menjelaskan di bawah inisiatif

13 Cakna Wilayah Prihatin (perumahan), PL akan menyediakan kemudahan rumah transit bagi menempatkan penduduk yang ditimpa musibah bencana.

“Kita telah mengenalpasti lokasi yang sesuai dan perumahan sewa PL yang masih kosong akan kita dijadikan sebagai rumah transit.

“PL kini dalam proses menyediakan rumah transit untuk menempatkan mangsa-mangsa bencana dan sebanyak dua buah rumah transit bakal diwujudkan di Labuan yang akan dirasmikan oleh Menteri Wilayah Persekutuan Tan Sri TPr Annuar Musa,” katanya. **WK**



DR FARY bersama Komuniti Kampung Tanjung Aru semasa aktiviti gotong-royong.